

Канон святому мученику Уару

(за умерших без святого Крещения)

Глас 8-й

имый краегранесие:

Умоли́, Уаре, за вnéшния на́ша ро́ды

Песнь 1

Ирмос: Колесницегонителя фара́оня погрузи́, чудотвори́й иногда́ Моисе́йский жезл, крестообра́зно порази́в и раздели́в море, Изра́иля же беглеца́ пешехо́дца спасе́, песнь Бо́гови воспева́ющая.

Припев: Святы́й му́чениче Уаре, моли́ Бо́га о нас.

Умолéн бу́ди, Го́споди, святы́м Твои́м Уаром му́чеником и облеци́ся в ми́лость и щедро́ты; и сия́ да́же до а́да изли́ются, Человеколю́бче, и ущедра́т, я́же от нас проси́мая бога́тным Твои́м милосе́рдием.

Святы́й му́чениче Уаре, моли́ Бо́га о нас.

Му́чениче Христов вели́кий, озло́бленныя и беспомощныя воспомяни́, сидя́щая во мра́це тьмы непросвети́мая, и не престáни, припада́я ко ще́дрому Го́споду, донде́же утэ́шит я́ бога́тным Свои́м милосе́рдием.

Слава: О ро́де Клеопáтры дивны́я умоли́ти возмо́гл еси́, сла́вный страсотер́пче, у́бо и днесь, возмога́я, возмо́жеши свободи́ти от мук, я́же от нас воспомина́емая, а́ще приле́жно о них ко Го́споду помо́лишися, тебе́ бо ра́ди утэ́шит я́ Влады́ка бога́тным Свои́м милосе́рдием.

И ныне: Беспомощным Благая́ Помо́щнице, при́зри от сла́вы Своея́, Влады́чице, ко мра́ку а́дову и виждь бе́ды умилéнных, пред Тобо́ю на́ми воспомина́емых, и не престáни о них умоля́я Своего́ Сы́на и ще́драго Го́спода и Влады́ку, донде́же утэ́шит я́ бога́тным Свои́м милосе́рдием.

Песнь 3

Ирмос: Утверждѣй в началѣ Небеса́ разумом и зѣмлю на вода́х основа́вый, на ка́мени мя, Христѣ́, за́поведей Твои́х утверди́, яко несть свят, па́че Тебе́, Еди́не Человеколю́бче.

Святы́й му́чениче У́аре, моли́ Бо́га о нас.

Лик святы́х Сил Небе́сных подвигни с собо́ю на моли́тву, му́чениче, и сотвори́ де́ло пречу́дно, и вели́ко, и че́стно, па́че же ра́дость неиму́щим наде́жды и утешѣ́ния не упова́ющим, го́рьким на́шим неверно́ умершим прароди́телем и е́же с ни́ми воспомина́емым, е́же дарова́ти сим от Го́спода прощѣ́ние и ве́лию ми́лость.

Святы́й му́чениче У́аре, моли́ Бо́га о нас.

Изря́дный страстоте́рпче и Христу́ люби́мый, увѣждь, коль желате́льна свобода́ му́чимым и отра́да, си́це у́бо и на́ша срóдники, и и́же с ни́ми неверия́ ради, ве́чныя му́ки притяжа́вшия, ме́ры не обря́щут свои́м ра́достем, а́ще изпро́сиши сим от Го́спода прощѣ́ние и ве́лию ми́лость.

Слава: У́аре, добропобѣ́дный страда́льче, ми́лостив бу́ди и к на́шим моле́нием, и зри удруче́нных несказанную́ ну́жду, и сам, от жа́лости пону́жден, неотсту́пно моли́ся к Человеколю́бцу Влады́це, да пода́ст им прощѣ́ние и ве́лию ми́лость.

И ныне: Всеми́рная наде́ждо, Богоприятное́ селѣ́ние, на́ше к Бо́гу примирѣ́ние, Мари́е Влады́чице, приими́ проше́ния настоя́щаго предсто́яния и не престáни моля́ся к Сы́ну Своему́ и вся́ческих Го́споду, да пода́ст безнаде́жным Тебе́ ра́ди прощѣ́ние и ве́лию ми́лость.

Седален, глас 5-й

А́ще мо́лишися за весь мир, вели́комучени́че, и не престае́ши, прося́ всем ми́лости и вся́ким престу́пником все́ми о́бразы лю́то Влады́це досади́вшим и непреста́нно досажда́ющим, иже ме́ртвыми де́лы себе́ до конца́ умертви́вшим и ничто́же приобрѣ́тшим, яко́ зло сотвори́вшим, тако́же, страстоте́рпче, предста́ни и о на́ших умерших срóдницах, яко́ возможная начина́я, не отступи́, моля́ся и припада́я к ми́люющему всех Го́споду, да прости́т и поми́лует, и́же во тьме се́дящая и лю́те

зелó огорчénныя.

Другий седален, глас 3-й

Рáдости вéчныя насéльниче, Небéсному покою тезоименítый, Уáре великий, дерзáя, да дерзнéши воспоминаúти пред Гóсподем умилénныя четы́ нáших прародítелей, áще бо и не в грóбе óных полага́ем тя, усéрдным же прошéнием к жáлости, éже от них, совокупа́ем тя. Тёмже припадí и моли́ся, не отрíнет бо предстоя́ния твоего́ Влады́ка, но от безме́рныя благосты́ни преклонéн, пошлёт преогорчénным избавлéние и вéлию мíлость.

Слава и ныне:

Богородичен: Пресвётлая Госпоже́, от Небéсных Сил превоспева́емая, и вы́ну возвелича́емая, Ма́ти Царя́ всяческих, где ўбо и когда́ хóщет умно́житься Твоя́ сла́ва и величество, не тогда́ ли, егда́ грéшныя заступа́еши и весь мир моли́твами Своими́ покрывáеши, тёмже и днесь умно́жи, Влады́чице, велеле́поту Твоего́ превозхождéния, изба́ви тёплыми Твоими́ моли́твами от лю́тых мук неверны́я нáша и некрещённыя сродники́ и с я́же о них и с ними́ воспомина́емая, и пода́ждь óным избавлéние и вéлию мíлость.

Песнь 4

Ирмос: Ты моя́ крéпость, Гóсподи, Ты моя́ и сíла, Ты мой Бог, Ты моé рáдование, не оста́вь нéдра Отча, и нáшу нищету́ посетíв, тем с проро́ком Авваку́мом зову́ Ти: сíле Твое́й сла́ва, Человеколю́бче.

Святы́й мучениче Уáре, моли́ Бо́га о нас.

Ельма́ ўбо, стратотéрпче, всех люби́ши с véрою к тебе́ прибега́ющих, тёмже и любíм быти от моля́щих тя благопоспéши. Что же íно с желáнием прослáвити тя Человеколю́бный сотвори́т, не подáнием ли просíмыя мíлости умилénным и всякия́ отрады́ лишéнным вéчным ўзником, та́ко и впредь, о до́блй мучениче, неоскуде́й о сих моля́ся.

Святы́й мучениче Уáре, моли́ Бо́га о нас.

Зима́ люта́ и спасéния беспло́дие облежи́т в нечéстиих умерши́я и плач безотра́ден, zde ўбо вочтéни суть, íже от нас воспомина́емая. Ты же, стратотéрпче, соединíти сих к рóду

праведных потщися и не оскудей о них моляся.

Слава: Адова мрачная темница во веки да не обымет прародители и сродники наша и вся, воспоминаемая с ними: тебе, дивному страдальцу, силу неверия и греховную мощь низложившу, тако и впредь сих еже с Клеопатриным родом простити не оскудей, мучениче, моляся.

И ныне: Тобою, Пречистая, познахом славити всяческих Содетеля, и от Тебе Плотноосца непрелестна Спаса величати навыхом, и Тя, Владычицу, хвалим, и Тебе поклоняемся, и молим, помилуй умерших в неверии наша сродники и еже избавити сих не оскудей к Сыну моляся.

Песнь 5

Ирмос: Вскую мя отрунул еси от лица Твоего, Свете незаходимый, и покрыла мя есть чуждая тьма, окаяннаго, но обрати мя и к свету заповедей Твоих пути моя направи, молюся.

Святыи мучениче Уаре, моли Бога о нас.

Всяко дарование, мучениче, и всяка милость от милостиваго Господа изливаемы, аще и предивны, и пречудесны суть, слагаемы же к прощению в нечестии умерших, величество преизящно сему оставляют. Темже и днесь великая сотворити потщися, Владыку, мучениче, умолити.

Святыи мучениче Уаре, моли Бога о нас.

Не отвратися, Господи, от нашего умиления, ниже помяни множество грехов наших, паче же помяни древния Своя милости, и ради щедрот Твоих, и ради Уара страдальца добляго, не оскудей в богатстве безмернаго Твоего милосердия, но излей милости и прощение, еже от нас воспоминаемым.

Слава: Есть убо, великомучениче, и достизает человеколюбие Владычне и к сущим в мори далече, темже предстани и днесь и, припадая, умоли Его еже помилovati удаленныя и веры, и Крещения отчужденныя умерших наша сродники и всем, иже с ними воспоминаемым, даровати прощение и велию милость.

И ныне: Предстани, Владычице, нашему изнеможению и буди выну в нуждах, помогая нам всюду и присно, Ты бо еси христианская Надежда и Упование, темже не отрини наша прошения, но сотвори совершена и исполнена неисписанною

Твоёю благодатию.

Песнь 6

Ирмос: Очи́сти мя, Спа́се, мно́га бо беззако́ния моя́, и из глубины́ зол возведи́, молю́ся: к Тебе́ бо возопи́х, и услы́ши мя, Бо́же спасе́ния моего́.

Святы́й му́чениче Уа́ре, моли́ Бо́га о нас.

Шата́ния вра́жия да не возра́дуются, ду́ши в коры́сть получи́вши, ты же, му́чениче, тёплыми сво́ими моли́твами разруши́ хоте́ния его́, умоля́я Го́спода е́же прости́ти на́ми воспомина́емые и от вѣчныя му́ки тоя́ и нас изба́вити.

Святы́й му́чениче Уа́ре, моли́ Бо́га о нас.

Нача́ло на́шему по́двигу Клеопáтрина ро́да прощѣние, отсю́ду у́бо вино́вное восприя́хом возста́вити тя на моли́тву, и о е́же на́ми помина́емых не прѣзри, великому́чениче, и не отри́ни грѣшных предста́ние, но, потщáвся, испроси́ у Влады́ки Христа́ о́ным прощѣние и от го́рьких мук изба́вление.

Слава: Иже неvéрия ра́ди срѣте конѣц зол, и ча́яние благихъ весьма́ погй́бе прогна́вания Бо́жия ра́ди, ты же, страсотѣрпче, дерзнове́ние приѣм, ра́дость отпу́щения вмѣсто стра́шнаго томлѣния от Небѣснаго Царя́ изпроси́ и, извѣд от го́рести, соблюди́ во Влады́чней мй́лости.

И ныне: Ка́я, Влады́чице, злѣба превозмо́жет Твоя́ Ма́терняя моли́твы? Войсти́ну у́бо, а́ще предста́неши и днесъ, моля́ за проси́мыя Тобо́ю, сотвори́ши о́ным ра́достное прощѣние, изба́вление и ве́лию мй́лость.

Кондак, глас 4

Христу́ послѣдую, му́чениче Уа́ре, Того́ испи́в ча́шу, и венце́м мучѣния увязѣся, и со А́нгелы ликовствү́еши, моли́ непреста́нно за ду́ши на́ша.

Икос

Воспомяни́ на́ша глаго́лы, свѣтлый жи́телю Небѣсный, Христовъ сла́вный великому́чениче Уа́ре, вѣчному поко́ю тезоимени́тый, и вели́кими тво́ими страда́нии непроходи́мое и свѣтлое поко́ище приобре́тый от непрехо́дныхъ темни́цы, и

томлѣнія непрестаннаго, и нѹжды, потщѣся богоприятными твоими молитвами избавити рабы умиленныя, ихже ради молим тя, предстояще и во усердии взывающе, исполни наша прошения, святе, и Христа Бога моли непрестанно за души наша.

Песнь 7

Ирмос: Божия снизхождѣния огонь устыдѣся в Вавилоне иногда, сего ради отроцы в пещи радованною ногою, яко во цветнице ликующе, пояху: благословѣн еси, Боже отец наших.

Святѣй мучениче Уаре, моли Бога о нас.

Яко же солнце, Господи, всех просвещаети, и всем дождь незавѣстно изливати, и прогневающим Тя милость непрестанно даруеша, и ныне послушай Уара, Твоего страдальца, и пролей милость Твою до конца оныя отчужденным сродником нашим и яже с ними неверным, Человеколюбче.

Святѣй мучениче Уаре, моли Бога о нас.

Ныне, якоже и прежде, щедр буди, Господи, и умолен явися, Владыко, якоже о Клеопатре содея, сице и о нас, Милостиве, сотвори; послѣ Своя щедроты и милосердие ко еже нами воспоминаемым, Источник бо еси милости неисчерпаемый.

Слава: Аще пророк, восперяся, поет милости Твоя, Господи, во веки, убо неоскудевши Ты в щедротах веруем, яко милосердия Твоего предѣлы неизмеримы, и от пучины во глубинѹ потопшим излияти милости Ты умоляет, исполни убо ради мученика сие, о Владыко наш.

И ныне: Гору Ты скажет премудрый во пророцех, мы же тому и еже от Тебе Каменю Богородия изыти без примешения мужеска, веруем; имже наше спасение и от глубин адовых возведение получихом, Владычице, возведи и днесь от ада воспоминаемая нами, да Ты, Всемилостивую, непрестанно величаем.

Песнь 8

Ирмос: Мусикійским органом согласующим и людем безчисленным поклоняющимся образу в Деире, три отроцы не повинувшеса, Господа воспеваху и славословляху во вся веки.

Святы́й му́чениче У́аре, моли́ Бо́га о нас.

Ша́ры¹ да бу́дут словеса́ дрэ́вняя Твоя́, ми́лости, Го́споди, сказа́ющия и на́шу наде́жду воздв́ижущия, я́ко послу́шал еси́ святы́я Твоя́, Го́споди, е́же поми́ловати неве́рных уме́ршия, ихже и днесь приво́дим Ти на моли́тву, да проше́ния их ра́ди уще́дриши иносла́вно уме́ршия, ве́дением и неведе́нием Тебе́, Влады́ко, досади́вшия.

Святы́й му́чениче У́аре, моли́ Бо́га о нас.

А́гнче Бо́жий, Пречи́стою Своёю Кро́вию нас искупивый, Фёклино и блаже́ннаго Григо́рия моле́ние услы́шав, Мефо́дия со мно́гими и Мака́рия прие́м проше́ния, и отра́ду, и изба́ву злове́рным пода́в уме́ршим, и Златоуста́го о сих моли́тися написа́ти воздв́игнув, приими́ у́бо, Влады́ко, с си́ми сла́внаго У́ара и моли́твами их воспомина́емыя от нас прости́ и поми́луй.

Слава: Ра́дость нам изпроси́, великому́чениче, возвеси́лимся бо, а́ще обря́щем твои́ми моли́твами изба́вленныя от ве́чных мук на́ша сродни́ки; всегда́ бо твоя́ моли́твы Влады́ка слы́шит и проше́ния исполня́ет, ты же у́бо не оскуде́й о сих и ны́не моля́ся, да тя вы́ну прославля́ем.

И ны́не: Пренепоро́чная Влады́чице, оби́луй мно́жеством милосе́рдия и щедро́т, дивная и Безневе́стная Ма́ти Царе́ва, нам бо ми́лости взыска́ющим, где инде́ сию́ обря́щем, а́ще не к Тебе́ поспеши́м, припа́дающе, Ты бо Пото́к сла́дости преизоби́лен нам родила́ еси́, Преблагослове́нная.

Песнь 9

Ирмос: Ужасе́ся о сем Не́бо, и земли́ удиви́шася концы́, я́ко Бог яви́ся челове́ком плóтски, и чре́во Твое́ бысть пространнейшее Небе́с, тем Тя, Богороди́цу, Ангелов и челове́к чинонача́лия велича́ют.

Святы́й му́чениче У́аре, моли́ Бо́га о нас.

О Бо́зе да возмо́жеш, У́аре сла́вный, Богоприятными твои́ми моли́твами восприя́ти и изли́яти ми́лости, и́же до конца́ о́ныя отчужде́нным, Еди́н бо есть щедро́т и милосе́рдия Родите́ль, и вся Ему́ возмо́жна я́ко Влады́це, к Нему́ же неотсту́пно,

¹ Ша́ры – красочны, цветасты, живописны, изображенны, явны

страдальче, моли́ся прости́ти и поми́ловати я́же от нас воспомина́емья.

Святы́й му́чениче Уаре, моли́ Бо́га о нас.

Де́ло соверши́ предивно, о великому́чениче, и сла́ве тво́ей прикла́дно, е́же от Го́спода прощ́ение и пра́веднаго Егó гн́ева премене́ние испроси́ти огорче́нным те́мнаго злове́рия ра́ди на́шим прароди́телем и е́же сих, в го́рести и во ожида́нии люте́йших су́щих, да во́змеш в безстра́шное избавле́ние, иде́же ве́си Влады́ка прощ́енныя положи́ти.

Слава: И ко́е у́бо чу́до яви́тся сегó дивнейши, ка́я сла́ва знамените́йши, и ко́е милосе́рдие такова́го бо́льши, а́ще ты, му́чениче, сожалéв умо́лиши ми́лостиваго Го́спода отпу́стити грех нечэ́стия я́же от нас помина́емых, и лю́таго томле́ния о́ных изба́вити.

И ны́не: Влады́чице ми́лостивая, человеколю́бивая и зло не помня́щая, приими́ жа́лость на́шего прош́ения и ходата́йствуй неотсту́пно о ми́лости к ми́лостивому Твоему́ Сы́ну и Влады́це, е́же поми́ловати и прости́ти грех иносла́вия умéршим срóдником на́шим и я́же с ни́ми помя́нутым, отпу́щение и ме́сто сим ми́лости неотъёмлемо пода́ти.

Молитва святому мученику Уару

О, святы́й му́чениче Уаре досточу́дный, ре́вностию по Влады́це Христу́ разжигáем, Небэ́снаго Царя́ пред мучи́телем испове́дал еси́, и о Нем усéрдно пострада́л еси́, и ны́не Цéрковь почита́ет тя, я́ко прославля́емаго от Влады́ки Христа́ сла́вою Небэ́сною, Иже дарова́ тебе́ благода́ть вели́каго к Нему́ дерзнове́ния, и ны́не предстои́ши Ему́ со Ангелы, и в Вы́шних лику́еши, и зри́ши я́сно Святу́ю Трои́цу, и све́том Безнача́льнаго Сия́ния наслажда́ешия, воспомяни́ и на́ших срóдников томле́ние, умéрших в нечэ́стии, приими́ на́ше прош́ение, и я́коже Клеопáтрин род неверный моли́твами тво́ими от вéчных мук свободи́л еси́, та́ко воспомяни́ ели́цы противобóжне погребéнныя, умéршия некрещ́енными, потщи́ся испроси́ти о́ным от вéчных тьмы избавле́ние, да вси еди́ными

**усты́ и еди́нем се́рдцем восхва́лим Преми́лосе́рднаго Творца́ во
ве́ки веко́в. Ами́нь.**